

TAUNET

Ng'olyot agobo yaetab ng'ony

1 Eng' taunet, ko kitoi Kamuktaindet koyai kipsengwetisiek ak ng'ony. **2** Ak kima komi kiy ng'ony ak kima kotinyei iton; ak kimi mesundeito baragutab riret; kiwendote Tamirmirietab Kamuktaindet baragutab beek. **3** Ak kimwa Kamuktaindet kole, Ingolapkeit; kola-pkeit. **4** Kigeer anyun Kamuktaindet lapkeiyet, kole mie: ak kiibesio Kamuktaindet lapkeiyet ak mesundeito. **5** Kiguure Kamuktaindet lapkeiyet Bet, ak kiguure mesundeito Kemoi. Ak kiek koskoleny ak kiek karon, betut agenge.

6 Kimwa Kamuktaindet kole, Ingobiit soet eng' kwenutab beek, si kobesio beek chu ak beek chun. **7** Ak kiyai Kamuktaindet soet, ak kiibesio beek che mi kureretab soet ak che mi baragutab soet; ak kiyaak ko u noto. **8** Kiguure Kamuktaindet soet Kipsengwet. Ak kiek koskoleny ak kiek karon, betut ne bo aeng'.

9 Ak kimwa Kamuktaindet kole, Ingoyumjigei beek yeto agenge che mi kureretab kipsengwetisiek, ak ingotook emet ne mami beek; ak kiyaak ko u noto. **10** Ak kiguure Kamuktaindet emet ne mami beek Ng'ony; ak kiguure beek che kagoyumgei Nyanjosiek; ak kigeer anyun Kamuktaindet kole mie. **11** Ak kimwa Kamuktaindet kole, Ingobityo suswek eng' ng'ony - ketik alak tugul che mengechen che bo timin, che yiei keswek, ak ketik che bo logoeck che yiei logoeck ko u kergeindanywa che tinyei keswekwak eng' orinywa eng' ng'ony; ak kiyaak ko u noto. **12** Kibityo anyun suswek eng' ng'ony, ketik alak tugul che mengechen che bo timin che yiei keswek ko u kergeindanywa, ak ketik che yiei logoeck, che tinyei

1 Job 38:4-7

Is 42:5

Jn 1:3

Kol 1:16

Heb. 1:10

11:3

Ng'a 4:11

2 Jer 4:23

T. Kal

104:19

Jer 10:2

Joel 2:30,31

Mt 24:29

Lk 21:25

3 2 Kor 4:6

Ne K. Ng'a

4:19

16 T. Kal 136:7-9

6 Job 37:18

T. Kal. 33:6

Jer 10:12

18 Jer 31:35

9 Job 38:8,10,

11

T. Kal 33:7

95:5

Jer. 5:22

21 T. Kal

104:25,26

11 T. Kal

104:14

keswekwak eng' orinywa, ko u kergeindanywa, ak kigeer Kamuktaindet kole mie. **13** Ak kiek koskoleny ak kiek karon, betut ne bo somok.

14 Ak kimwa Kamuktaindet kole, Ingobiit tuguk che iluu eng' soetab kipsengwetisiek si kobiit kobesio bet ak kemoi; si koek choto kaborunoik, che bo arawek, ak betusiek ak kenyisiek; **15** ingoek choto che iluu eng' soetab kipsengwetisiek si kobiit koluuchi ng'ony; ak kiyaak ko u noto. **16** Kiyai Kamuktaindet tuguk che iluu aeng' che eechen; si kobiit koboi ne o bet, ak koboi kemoi ne ming'in; kiyai kecheik agichek. **17** Kiinde Kamuktaindet choto soetab kipsengwetisiek si kobiit koluuchi ng'ony, **18** si koboi bet ak kemoi, kobesio lapkeiyet ak mesundeito; ak kigeer Kamuktaindet kole mie. **19** Ak kiek koskoleny ak kiek karon, betut ne bo ang'wan.

20 Ak kimwa Kamuktaindet kole, Ingochang'a koek ng'isiat tuguk che sptos eng' beek, ingotirirenso taritik eng' baragutab ng'ony eng' soetab kipsengwetisiek. **21** Ak kitoi Kamuktaindet koyai njirenik che eechen, ak kiy age tugul ne sobei, ne wendote beek, eng' chang'indo, ko u kergeindanywa, ak tarit age tugul ne tinyei kebebaik ko u kergeindanyi; ak kigeer Kamuktaindet kole mie. **22** Kiiberur Kamuktaindet ichek, kolenji, Oiiye, otesage, onyi beekab nyanjosiek, ak ingotesogis taritik eng' ng'ony. **23** Ak kiek koskoleny ak kiek karon, betut ne bo mut.

24 Kimwa Kamuktaindet kole, Ingooi ng'ony tuguk che sptos ko u kergeindanywa, tuga, ak che ichuutegei, ak tiang'ik che bo ng'ony ko u kergeindanywa; ak kiyaak ko u noto. **25** Ak kiyai Kamuktaindet tiang'ik che bo ng'ony ko u kergeindanywa, ak tuga ko u kergei-

ndanywa; ak tuguk tugul che ichuutegei eng' ng'ony ko u kergeindanywa; ak kigeer Kamuktaindet kole mie. 26 Kimwa Kamuktaindet kole, Ongeyai chito eng' itondanyo, ko u kergeindanyo: ak ingoboi ichek njirenik che mi nyanjosiek, ak taritik che bo barak, ak tuga, ak ng'ony komugul, ak tiong'ik tugul che ichuutegei ng'ony. 27 Kitoi anyun Kamuktaindet koyai chito eng' itondanyi, kitoi koyai chito eng' itondab Kamuktaindet; kitoi koyai muren ak tie. 28 Ak kiiberur Kamuktaindet ichek; ak kilenji Kamuktaindet ichek, Oiiye, otesage, si onyi ng'ony; ak obou; ak olaitorane njirenik che bo nyanjosiek, ak taritik che bo barak, ak kiy age tugul ne sobei ne wendote ng'ony. 29 Ak kimwa Kamuktaindet kole, Ogeero, kaagonok ketik alak tugul che mengechen che bo timin che tinyei keswek che mi baragutab ng'ony, ak ket age tugul ne tinyei logoeikyik keswek, koek amitwogikwok. 30 Kaa-gochi anyun ketik alak tugul che mengechen che nyalilen koek amitwogikab tiony age tugul ne bo ng'ony; ak tarit age tugul ne bo barak, ak kiy age tugul ne ichuutegei ng'ony ne tinyei kabusetab sobondo; ak kiyak ko u noto. 31 Ak kigeer Kamuktaindet tuguk tugul che kiga koyai kole miachen mising'. Ak kiek kosoleny ak kiek karon, betut ne bo lo.

2 Kigiges anyun yaetab kipse-ngwetisiek ak ng'ony ak chang'indanywa tugul. 2 Kiiges Kamuktaindet boisionikyik che kiga koyai eng' betut ne bo tisab; ak kiimuuny eng' betut ne bo tisab eng' boisionikyik tugul che kiga koyai. 3 Ak kiiberur Kamuktaindet betutab tisab, kotaban: amu kiimuuny eng' betunoto eng' boisionikyik tugul che kitoi Kamuktaindet koyai.

Komi Adam ak Awa mbaretab Eden

4 Chu taunaik che bo kipsengwetisiek ak ng'ony eng' betunoto ne kiyai Jehovah Kamuktaindet kipse-ngwetisiek ak ng'ony. 5 Kitomo kobit ket ne bo kewet eng' ng'ony, ak kitomo kobityo ketik alak tugul

26 Tau 3:22
5:1; 9:6
11:7
T. Kal 8:6-8
Is 6:8
Jak 3:7,9
Tau 3:19
7:22
Job 33:4
Amd 12:7
1 Kor 15:45, 47
27 Mal 2:14,15
Mt 19:4
Mk 10:6
1 Kor 11:7
Ep 4:24
Kol 3:10
Tau 13:10
Is 51:3
28 Tau 9:1,7
A. La 26:9
1 Tim 4:3
Tau 2:17
3:22
Ng'a 22:2,14
29 Job 36:31
T. Kal
104:14,15
145:15,16
Tau 25:18
1 Sa 15:7
30 T. Kal
104:27,28
147:9

Dan 10:4 14

31 T. Kal
104:24
1 Tim 4:4

2 Kom 20:11
31:17
Heb 4:4

Tau 1:20,24 19

che mengechen che bo kewet: amu kitomo kogochi Jehovah Kamuktaindet korobonji ng'ony, ak kima komi chi ne ibati ng'ony. 6 Ago kitogosta kibungweret eng' ng'ony, ak kobis ng'ony komugul. 7 Ak kiyai Jehovah Kamuktaindet chito eng' ng'ung'onyek, ak kobusyi serunekyik kabuset ne bo sobondo; kiek anyun chichoto, chito ne sobei. 8 Kigol Jehovah Kamuktaindet mbaret eng' Eden eng' komostab kong'asis, ak konde oloto chichoto kiga koyai. 9 Ak kiigochi Jehovah Kamuktaindet kobit ket age tugul eng' ng'ony ne kararan eng' keeret, ak ne mie eng' amet; ak ketit ne bo sobondo eng' kwenutab mbaret, ak ketit ne bo naet ne kinae ne mie ak ne ya. 10 Ak kimong'une Eden ainet ne ibisi mbaret; yeityo kopcheigei eng' oloto, koek ainosiek ang'wan. 11 Kainetab ne bo tai ko Pison: noto ne yiemei emet komugul ne bo Abila ole mi tahabu; 12 miachen tahabu che bo emonoto: mitei oloto bedola ak soam. 13 Kiguure ainet ne bo aeng' Gion: noto ne yiemei emet komugul ne bo Kus. 14 Kiguure ainet ne bo somok Hidikel, noto ne wendi komostab kong'asis ne bo Asuria. Kiguure ainet ne bo ang'wan Euprate. 15 Kiimut Jehovah Kamuktaindet chito kwo kotebe mbaretab Eden si kobit kosemberi ak koribei. 16 King'at Jehovah Kamuktaindet chichoto kolenji, Imuchi iam logoeik che bo ket age tugul ne imache ne mi mbaret; 17 ago amat iam che bo ketit ne bo naet ne kinae ne mie ak ne ya; amu eng' betut ne keam che bo ketoto, imee ne matiny.

18 Kimwa Jehovah Kamuktaindet kole, Ma mie kotebi chi ineeji; ayachini ne toreti ne kergei ak inendet. 19 Kiyai anyun Jehovah Kamuktaindet tiony age tugul ne bo ng'ony eng' ng'ung'onyek, ak tarit age tugul ne bo barak, ak kokwerichi chichoto tiong'ichoto kogeer ole tochindoi kainaik; ak kainet ne kiguure chichoto kiy age tugul ne sobei, ko kiek kainennyi noto. 20 Ak kitochi chichoto tuga tugul kainaik, ak taritik che bo barak, ak tiony age tugul ne bo ng'ony; ago kima biit ne toreti chichoto ne

kergei ak inendet. 21 Kiigochi anyun Jehovah Kamuktaindet chichoto ruondo ne nyigis, konuuch: ak konem karasta agenge, ak kotuge yoto banyek kogeere karasato: 22 ak kiyai Jehovah Kamuktaindet karasato kiinemune chichoto, koek kwondo; ak komutyi chichoto. 23 Ak komwa chichoto kole, Ni anyun nguno ko kowet ne bo kowekyuk, ak banyek che bo banyekab bortanyu: kiguure kainennyi Kwondo, amu kaginemune Muren. 24 Amu noto anyun, bagaktoi mureno kwandanyi ak kamennyi ak konamgei ak kwondanyi; ak koek ichek borto agenge. 25 Ak kitebye tuwai ach ngor, chichoto ak kwondanyi, ak kima kolilandos.

Yomset ak kabutetab chito

3 Ki ng'alindet ndaret kosiir tiony age tugul ne bo ng'ony ne kiga koyai Jehovah Kamuktaindet. Kilenji anyun kwondo, Tos, iman kimwa Kamuktaindet kole, Amat oam logoek che bo ketit age tugul ne bo mbaret? 2 Ak kilenji kwondo ndaret, Kichamwech keam logoek che bo ketikab mbaret: 3 ago kimwa Kamuktaindet kole, Amat oam logoek che bo ketit ne mi kwenutab mbaret, amat otwa, si mobegu. 4 Kolenji ndaret kwondo, Iman, mobegu: 5 amu ingen Kamuktaindet kole, eng' betut ne koam che bo ketoto koyatogis konyekwok, ak ogergeitu ak Kamuktaindet, onai ne mie ak ne ya. 6 Ak ye kingogeer kwondo kole mie ketoto eng' amet, ak ko kararan eng' konyek, ak ko ketit ne kichamei ne ing'omiti chi, kobut anyun logoekyi koam; ak kogochi manong'otondennyi ne kimi tuwai koam agine. 7 Koyatogis anyun konyekwak ichek tuwai, ak konai kole mi ach ngor; konabanab anyun sogekab mogoiywet, konapchigei ngorok che kigermenegei.

8 Ak kigas Jehovah Kamuktaindet kowendoti eng' mbar ye kiga kogaititit koskoleny; koug'gei koistoegei ole mi Jehovah Kamuktaindet chichoto ak kwondanyi, eng' ketik orit che mi mbar. 9 Koguur anyun Jehovah Kamuktaindet chichoto, kolenji, Imi ano? 10 Kowolji inendet, kolenji, Kagas kuti-

21 Tau 15:12
1 Sa 26:12

Kal 28:13 12

23 Tau 29:14
Kir 9:2
2 Sa 5:1
1 Kor 11:8
Ep 5:30

Is 65:25 14

Mi 7:17
24 Mt 19:5
Mk 10:7
1 Kor 6:16
Ep 5:28-31

Is 7:14 15

Mt 1:23,25
Lk 1:34,35
Rom 16:20
Gal 4:4
Ng'a 20:1-3

1 Mt 10:16

Ng'a 12:9
20:2

Jn 16:21 16

1 Kor 11:3
Ep 5:22-24
Tit 2:5

Tau 5:29 17

Amd 2:22,23
Rom 8:20-22

3 Tau 2:17

4 2 Kor 11:3

Tau 2:7 19

Job 34:15

6 Hos 6:7

Rom 5:12

1 Tim 2:14

Tau 2:9 22

3:5

8 Job 31:33

T. Kal

139:1-12

Jer 23:23,24

Tau 2:8 24

T. Kal 104:4

Heb 1:7

10 Job 23:15

ng'ung' eng' mbar, ak kaiywei, amu ami ach ngor, kaung'ge anyun amu noto. 11 Ak komwa kole, Ng'o ne kamwaun kole, Imi ach ngor? Keam che bo ketoto kiang'atin ale amat iam? 12 Kolenji chito, Kwondo ne kiigona ketebi tuwai, inendet ne kagona che bo ketit, ak kaam. 13 Kolenji Jehovah Kamuktaindet kwondo, Nee ni kaiyai? Kole kwondo, Kagoberbera ndaret ak kaam. 14 Kolenji Jehovah Kamuktaindet ndaret, Amu kaiyai kii, kagichubin kistaenen tuga tugul, ak tiony age tugul ne bo ng'ony; ichuutegei moeng'ung', ak iame ng'ung'unyek betusieguk tugul ko te isobe; 15 ak ande bunyondit kwenung'wong' inye ndaret ak kwondo; ak kwenutab iytoteng'ung' ak nenyi; ak kotui inendet meting'ung', ak iguoten aginye kwariandennyi. 16 Kolenji kwondo anyun, Atesun mising' nyalildang'ung' eng' manageng'ung'; isiche lagok eng' ng'wanindo; ak inyali manong'otondeng'ung' eng' mageng'ung', ak koboun. 17 Kolenji anyun Adam, Amu kegas ng'alekab kwondang'ung', ak kaiam che bo ketit ne kiang'atin, ale, Amat iam che bo ketoto: kagichub ng'ony agobo inye; iame che bo ng'ony eng' nyalilda betusieguk tugul, kote isobe; 18 iun ng'ony katok ak katablelinik; ak iame ngwek alak tugul che bo emet; 19 ak iame amitwigik eng' kaotik che bo togeng'ung', kot iweekyige ng'ony; amu kigine-munenen yoto; amu i ng'ung'unyek, ak iweekyige ng'ung'unyek. 20 Ak kiguure Adam kwondanyi Awa; amu inendet kametab tugul che soptos. 21 Ak kinapchi Jehovah Kamuktaindet Adam ak kwondanyi sumotik, ak kolaakyi.

22 Ak kimwa Jehovah Kamuktaindet kole, Ogeero; kagogerget chichi ak age eng' achek, ne ingen ne mie ak ne ya; ak nguno anyun, ko si mata koyogoito eunnyi, ak kobut agine che bo ketitab sobondo, ak koam, ak kosob koiganya: 23 eng' noto anyun, kiimaanda Jehovah Kamuktaindet inendet eng' mbaretab Eden, si kobiit kobar ng'ony ole kiginemune. 24 Kion anyun chichoto komanda, ak konde Kerubik kotebe komostab kong'asis ne bo

mbaretab Eden, ak rotwetab chok
ne ilyeli ne tokyingei komosi ak
komosi, koribe oret ne wendi oldab
ketitab sobondo.

The Holy Bible in Kalenjin
© United Bible Societies 1969

Published by
The Bible Society of Kenya
P.O. Box 72983
Nairobi

UBS-EPF 1993 - 2.5M - 053

ISBN 9966